



H/v Thabo Mbeki en Leivoorlaan

Ferdinand Postma Uitbreiding

Potchefstroom

Telefoon no: 072 274 6330

e-pos:info@delandkleuterskool.co.za

www.delandkleuterskool.co.za

Inligtingsgids

WELKOM

Liewe ouers en kleuters

Baie welkom by Kleuterskool @ deLand. Ons skool se waardes rus op ons Christenskap. Ons ervaar daaglik God se seën en liefde in ons skool. Elke maatjie is vir ons besonder en uniek. Dis vir die personeel van Kleuterskool @ deLand 'n voorreg om vir u kleuter lief te wees en sal daaglik daarna streef om elke maatjie geborge en veilig te laat voel. Mag elke ouer en elke kleuter baie gelukkig wees by Kleuterskool @ deLand.

Hoof en personeel

1. Visie en Missie:

Om elke kleuter van die Kleuterskool speel-speel te laat ontwikkel en die groot wêreld met baie geleenthede vir hom/haar te ontsluit deur liefde, omgee en versorging.

Missie: Kleuterskool @ deLand onderneem om 'n opvoedkundigeprogram gebaseer op die nuutste kurrikulum met twee weeklikse temas aan elke kleuter te bied. Hierdie program is daarop gemik om elke kleuter binne 'n Christelike opvoedings-milieu fisies, emosioneel, sosiaal en kognitief optimaal te ontwikkel en sluit die volgende in:

- Christelike grondslag op 'n daaglikse basis
- Perseptueel
- Geletterdheid
- Gesyferdheid
- Spraak en Taalvaardighede
- Lewensvaardighede Vryspel - binne en buite
- Groot en fynmotoriese ontwikkeling
- Kreatiwiteit en Verbeelding
- Musiek, stories en poppekas
- Emosionele- en sosiale vaardighede
- Denke en probleemoplossing
- Voorbereiding vir skrif, spelling en lees

2. Aankoms en vertrektye:

- Maandae tot Vrydae voldag: 6h50-17h30
- Maandae tot Vrydae halfdag: 6h50-12h30/14:00
- Gesluit openbare vakansiedae
- 'n Spesiale vakansieprogram sal gevolg word gedurende skoolvakansies

3. Registrasie en inskrywings:

Kleuterskool @ deLand het 'n "oop deur" beleid vir alle ouers wie kleuter/s ingeskryf het. Ouers/voogde kan enige tyd gedurende die dag die skool besoek. Enige belangstellende ouers is welkom om 'n afspraak te maak om die skool te kom besigtig waartydens ons u op 'n kort toer deur die skool sal neem. Om u kind in te skryf moet u die registrasievorm so gou moontlik voltooi, tesame met die betaling van die registrasie fooi en die vooruitbetaalbare maandelikse fooi. Sodoende verseker u die kleuter/s se plek aangesien ons net 'n beperkte hoeveelheid kleuters kan akkommodeer.

Registrasie en inskrywingsvorme is by die kleuterskool se beskikbaar. Voltooië inskrywingsvorme kan per e-pos aan die kleuterskool gestuur word of by die kantoor ingehandig word. Registrasie van kleuters sal bevestig word sodra alle dokumentasie en gelde betaalbaar, ontvang is. Ouers sal per e-pos in kennis gestel word van suksesvolle aansoeke.

4. Fooie:

- Maandelikse fooie sal vooruitbetaalbaar wees, vanaf Januarie tot en met Desember.
- Registrasiefői – Eenmalige vooraf betaalde bedrag van R600.00 NIE-terugbetaalbaar per leerling vir die jaar (Registrasie kan nie gefinaliseer word voordat betaling nie ontvang is nie.)
- (Registrasiegelde sluit in: matrashuur vir 12 maande, bak en brou vir 12 maande, eersteskooldag foto en T-hempie en al die ander benodighede soos snesies en handewasseep)
- Maandelikse fooi: Voldag - R2350.00 x 12 maande (sluit ontbyt , 2 x peuselhappies, sap en middagete in)
- Halfdag - R1950.00 x 12 maande (sluit ontbyt, 2 x peuselhappies, sap en middagete in)

Bankbesonderhede:

Kleuterskool @ deLand (PTY)Ltd
Nedbank

Rekening no: 1190718286

Takkode: 198765

Verwysing: U kind se naam en van en ouderdom in hakies

SKOOLFOOIE MOET TEEN DIE 2DE VAN ELKE MAAND BETAAL WORD

5. Onderrigtaal:

- Kleuterskool @ deLand se onderrigtaal is Afrikaans.

6. Ouderdomme, klasgroottes en daaglikse program:

- Kleuterskool @ deLand het die volgende klasse beskikbaar:
- Klasse vir die 0-1 jariges met 20 babas per klas.
- Klasse vir die 1-2 jariges met 20 peuters per klas
- Klasse vir die 3 jariges met 20 peuters per klas.
- Klasse vir die 4 jariges met 20 kleuters per klas.
- Klasse vir die 5 jariges met 20 kleuters per klas.
- Gr. R klas in 2021
- Gedurende vakansies word 'n aangepaste daaglikse program gevolg

7. Vorderingsverslae en kommunikasie:

Kleuters ontvang twee vorderingsverslae per jaar. Daar word gefokus op deurlopende assessering. Kleuters word regdeur die jaar informeel geassesseer. Deur die loop van elke kwartaal word daar op sekere goed gefokus wat dan in-diepte geassesseer word. Ouers is welkom om 'n afspraak met die skoolhoof/onderwyseres te reël om u kind se vordering te bespreek. U kind is baie belangrik en daarom verkies ons dit om haar/hom in 'n ontspanne wyse te bespreek.

U kind is ons hoogste prioriteit en ons personeel moet ten alle tye gefokus wees daarom versoek ons graag:

- Telefoniese kontak tydens klastye word slegs deur die administratiewe kantoor hanteer.

- Alle ander kommunikasie moet verkieslik d.m.v. e-posse gedoen word.
- Ouers kan enige probleem of besorgdhede met die skoolhoof bespreek.

8. Dissipline:

- Met liefde, wedersydse vertrouwe en respek
- Streng beslis, maar regverdig
- Konsekwent
- Duidelike en vaste reëls
- Kinders word nie toegelaat om ander, hulself of eiendom skade aan te doen nie.
- Geen liggaamstraf

Hoe straf ons?

- Ontneem voorregte of verwyder die kleuter uit die situasie
- Indien die gedrag herhaaldelik voorkom, sal die ouers/voogde gekontak word

9. Aflaai en Afhaal van kleuters:

Kleuters moet teen 7:30 afgelaai word as hulle by die skool ontbyt eet. Geen kleuter sal in die klasse toegelaat word sonder dat die ouer/voog nie die aankomsregister geteken het nie. Halfdag kleuters moet 12:30 afgehaal word as u kind nie by die skool slaap nie. Indien u kind by die skool slaap moet hy/sy teen 14:00 afgehaal word. Voldag kleuters moet teen 17:30 afgehaal word. Versuim om die tye na te kom sal gesien word as oortreding van die reëls en ouers sal per e-pos in kennis gestel word van 'n ekstra tarief wat by die skoolgelde gevoeg sal word. Kleuterskool @ deLand se personeel sal slegs kleuter/s aan hulle ouers/voogde oorhandig.

'n Alternatiewe reëling kan **vooraf** gemaak word via epos indien 'n ander verantwoordelike volwasse persoon die kleuter/s kom afhaal. Geen kleuter/s word toegelaat om die perseel te verlaat alvorens die uitteken register nie ingevul is nie. **Personeel kan nie verantwoordelik gehou word vir enige kleuter/s wat nie direk in die ontvanger/onderwyseres se sorg gelaat word nie.**

DIE VEILIGHEID VAN ONS KLEUTER/S IS ONS EERSTE PRIORITEIT

10. Ouers se reg tot bewaring:

Sou die ouers se reg tot die bewaring van die leerling beperk raak op enige wyse hoegenaamd, hetsy deur middel van 'n egskeiding of andersins, is die ouer wat bewaring behou van die kleuter/s verantwoordelik om Kleuterskool @ deLand te voorsien van 'n hofbevel van sodanige effek.

11. Etes, verversings en verjaarsdae:

Etes word deur die skool voorsien. Kleuterskool @ De Land voorsien daaglik gebalanseerde peuselhappies, ontby, middagetes en sap.

(GEEN KOSPAKKIES VANAF DIE OUERHUIS WORD TOEGELAAT NIE, TENSY 'N

MEDIESESERTIFIKAAT INGEHANDIG WORD)

Reël asseblief vooraf met die kantoor. Die kantoor sal die kleuter se onderwyseres daarvan in kennis stel as u verversings kleuterskool toe wil stuur. Beperk asseblief die verversings tot drie items (of koek en twee items byvoorbeeld: lekkertjie en skyfies) aangesien dit die kleuters se middagete beïnvloed. Die onderwyseres sal dan haar dagprogram so aanpas om u kleuter se verjaarsdag spesiaal te maak.

12. Kommunikasie:

Alle kommunikasie sal via 'n e-pos vanuit die administratiewe kantoor geskied. Alle versoeke, klagtes en kennisgewings kan via die bogenoemde aan die kantoor gerig word.

13. Speeltyd:

Buitespel sal afhangend wees van die weer.

- **Somer:**

Kleuterskool @ deLand se reël: Somer – GEEN hoed GEEN speel. Ouers word versoek om 'n hoed skool toe te stuur om die kinders te beskerm teen die warm somerson. Merk asseblief die hoed duidelik met die naam van die kleuter. Die hoed sal by die skool gehou word.

- **Winter:**

As deel van hul ontwikkeling moet kleuters daaglik buite speel. Ouers word versoek om gepaste kleredrag saam te stuur skool toe. (Mussie, langmoubaadjie, handskoene, ens.)

14. Speelgoed & ander persoonlike eiendom:

Geen speelgoed, boeke, CD's ens. word toegelaat by die skool, aangesien die personeel nie aanspreeklik gehou kan word vir hierdie items nie en dit veroorsaak ook baie tranes.

15. Kleredrag:

Sorg asseblief dat u kind altyd gemaklike klere aan het. Ouers word versoek om daaglik 'n skoon stel klere en onderklere saam te stuur. Dit is verpligtend dat alle klere duidelik gemerk moet wees. Afhangende van die seisoen, vra ons asseblief dat u altyd 'n warm baadjie, of koeler klere sal inpak. Skoolhempies word op sekere dae gedra en reëling in verband hiermee sal vroegtydig aan ouers deurgee word.

16. Afwesigheid:

Ouers word versoek om Kleuterskool @ deLand in kennis te stel as 'n kleuter/s afwesig is as gevolg van vakansie, siekte of hospitalisasie.

17. Allergieë:

Dit is noodsaaklik dat ouers alle allergieë duidelik op die inskrywingsvorm aantoon.

18. Mediese behandeling en veiligheid:

In 'n noodgeval, mag die personeel hul diskresie gebruik om die hulp van 'n dokter of verpleegster van deLand **VERSORGINGSENTRUM** te gebruik. In 'n noodgeval, van watter aard ook al, en sou die noodgeval vereis dat die kleuter dringende mediese aandag/sorg moet ontvang, verleen die ouers Kleuterskool @ deLand die volle toestemming om dadelik aandag te gee aan die mediese vereistes van die kleuter. Die ouers bevestig dat hul skriftelike toestemming verleen deur die inskrywingsvorm te onderteken. Ouer bevestig ook hiermee dat hul volle verantwoordelikheid neem vir enige/ alle mediese kostes wat mag ontstaan.

Dit is krities vir ouers om alle noodgeval nommers opgedateer te hou.

Die volgende stappe sal gevolg word in 'n noodgeval:

- Geringe voorval: Kleuterskool @ deLand sal noodhulp toepas volgens die skool se opleiding en ondervinding. Ouers sal dadelik gekontak word indien nodig. Ouers sal van 'n voorvalverslag voorsien word om te teken, om hul sodoende te verwittig van die voorval.
- Ernstige noodgeval: Kleuterskool @ deLand sal die volgende stappe volg:
 1. Die klaskamer het 'n kaart met die volgende inligting : Naam van leerder, ouers se name en kontakbesonderhede, asook familie/ vriende se kontakbesonderhede en huisdokter se kontakbesonderhede.
 2. Noodhulp toegepas soos vereis.
 3. Spreekkamer sal gekontak word om met die nodige dokter te praat oor die voorval en skool sal reageer op die instruksies van die dokter.
 4. Die skool sal terselfdertyd die ouer/voog/familielid/ vriende in kennis stel wat deur die dokter versoek is, of ons dokter by die hospitaal ontmoet, dokter na skool toe kom, ons spreekkamer toe moet haas en of wag vir die ambulans.
 5. Bly ten alle tye by kleuter.
 6. Kleuter/s sal vanaf die eerste dag van opening aan die noodplan bekend gestel word. Kleuters sal op 'n weeklikse basis die noodplan inoefen sodat die kleuters en personeel vertrouwd is met die prosedure.

19. Siektes & medikasie:

Vir die beskerming van al die kleuters, versoek ons graag ouers om kleuters eerder tuis te hou indien hy/sy 'n oordraagbare siekte het bv. braking, diarree, kindersiektes en "pink eyes". Die personeel van Kleuterskool @ deLand sal hul eie diskresie gebruik om te besluit of 'n kleuter gesond is om skool by te woon.

Let wel: die volgende siektes benodig 'n sertifikaat van 'n mediese praktisyn: "pink eyes", gastro-enteritis en rotavirus.

NB: Alle medikasie moet by die administratiewe kantoor ingehandig word en 'n mediese verslag moet deur die ouer voltooi en geteken word. Indien die medikasie verslag nie voltooi word nie, kan Kleuterskool @ deLand nie die medisyne vir die kleuter toedien nie.

ALLE MEDIKASIE MOET IN DIE OORSPRONKLIKE HOUER WEES EN IN DIE ZIPLOCK SAKKIE GEPLAAS WORD.

20. Fondsinsamelingsprojekte:

Kleuterskool @ deLand is 'n privaatsentrum en kry nie enige subsidie van die staat nie.

Fondsinsamelings sal slegs geskied deur middel van skool se aktiwiteite soos:

- Atletiekdae, ouma en oupa dae, konserte, kunsuitstalling ens. Fondsinsameling word gesien as 'n poging om die ouers van kleintyd af betrokke te kry en insette te lewer t.o.v. hul kleuter se groei en ontwikkeling.

21. Benodigdhede:

- Kussing met 2 x kussionslope wat duidelik gemerk is. (kussionsloop word elke Vrydag huis toe gestuur om gewas te word en word Maandae weer teruggestuur skool toe)
- "Fleece" kombersie
- Een stelletjie skoon klere en onderklere
- 0 tot 2-jariges: doeke, wipes, boudjiesalf, bottels/bekertjie en 3 x stelletjies klere.

Ons kan nie wag om u en kleuter deel van ons familie te maak nie!!!!